

# INTERNACIONALNI BURČ UNIVERZITET



## **PRAVILNIK** **o stipendiranju studenata na visokoškolskoj ustanovi Internacionalni Burč** **univerzitet - International Burch University**

**AUGUST, 2015. GODINA**

Na osnovu člana 118 Zakona o visokom obrazovanju – prečišćeni tekst ("Službene novine Kantona Sarajevo" br. 42/13), Upravni izbor visokoškolske ustanove Internacionalni Burč univerzitet - International Burch University, na XXXIV sjednici, održanoj 24.08.2015. godine, usvojio je sljedeći

## **P R A V I L N I K**

o stipendiranju studenata na visokoškolskoj ustanovi Internacionalni Burč univerzitet –  
International Burch University

### **1. OPĆE ODREDBE**

#### **Član 1.**

Ovim Pravilnikom propisuju se uslovi, način i kriteriji dodjeljivanja prava na stipendiju studentima I ciklusa studija na Internacionalnom Burč univerzitetu (u daljem tekstu: Univerzitet), odnosno prava i obaveze davaoca i korisnika stipendija.

#### **Član 2.**

- (1) Sredstva za stipendiranje studenata obezbjeđuje Univerzitet iz vlastitog budžeta ili preko donatora.
- (2) Stipendija koja se dodjeljuje studentu ne uključuje troškove kupovine školskog pribora, kupovinu ili rentanje knjiga, kao ni troškove učešća u raznim kursevima i obukama za koje se dobijaju posebni certifikati, a koji nisu dio redovne nastave, niti troškove izleta i ekskurzija.
- (3) Stipendija ne pokriva troškove smještaja, ishrane, prijevoza, kao ni ostale troškove koji ne ulaze u obaveze Univerziteta koje se odnose na pružanje redovne nastave.

#### **Član 3.**

Univerzitet dodjeljuje pravo na stipendiju po tri osnova i to:

- a) prijemni ispit za stipendije;
- b) uspjeh u srednjoškolskom obrazovanju;
- c) uspjeh u sportu.

### **2. PRIJEMNI ISPIT ZA STIPENDIJE**

#### **Član 4.**

- (1) Internacionalni Burč univerzitet svake godine tokom ljetnog semestra donosi Odluku o organizaciji prijemnog ispita za stipendije za učenike završne godine srednjih škola.
- (2) Članove organizacionog odbora za prijemni ispit za stipendije iz reda zaposlenika na Univerzitetu imenuje odlukom Senat Univerziteta.
- (3) Prijemni ispit za stipendije organizuje se u svim većim gradovima u BiH, a po potrebi se može organizovati i u drugim državama.
- (4) Obavijest o organizovanju prijemnog ispita sa svim potrebnim detaljima objavljuje se na web stranici Univerziteta.

### **Član 5.**

- (1) Pravo na stipendiju dodjeljuje se u procentualnom iznosu od ukupnog iznosa cijene školarine za jednu studijsku godinu, a zavisno od ostvarenog rezultata na prijemnom ispitu.
- (2) Procentualni iznos stipendije utvrđuje odlukom Senat Univerziteta.
- (3) Rezultati ispita se ocjenjuju elektronskim putem.

## **3. USPJEH U SREDNJOŠKOLSKOM OBRAZOVANJU**

### **Član 6.**

Izbor stipendista po osnovu uspjeha u školovanju vrši se na osnovu konkursa koji raspisuje Univerzitet u toku ljetnog semestra svake godine, a koji se objavljuje na web stranici Univerziteta.

### **Član 7.**

- (1) Pravo sudjelovanja na konkursu imaju učenici koji ispunjavaju sljedeće uvjete i to da su:
  - a) državljani Bosne i Hercegovine ili državljani država sa područja bivše Jugoslavije,
  - b) redovni učenici koji završavaju srednju školu u školskoj godini u kojoj se konkurs raspisuje,
  - c) učenici koji su završili četvrti razred srednje škole u ranijim školskim godinama,
  - d) učenik generacije, ponos generacije,
  - e) učenici učesnici naučnih sajмова, projekata i sl.,
  - f) učenici koji imaju izvanredne uspjehe u toku srednjoškolskog obrazovanja (da je bio-la učesnik na općinskom, kantonalnom, federalnom, državnom ili inostranom takmičenju i sl.).
- (2) Detaljnije uslove konkursa i način izbora kandidata utvrđuje odlukom Senat Univerziteta.

## **4. USPJEH U SPORTU**

### **Član 8.**

Izbor stipendista po osnovu uspjeha u sportu vrši se na osnovu konkursa koji raspisuje Univerzitet u toku ljetnog semestra svake godine, a koji se objavljuje na web stranici univerziteta.

### **Član 9.**

- (1) Pravo sudjelovanja na konkursu imaju kandidati (učenici – sportisti) koji učestvuju u pojedinačnim sportovima kao i kandidati ekipnih sportova, i to da su:
  - a) državljani Bosne i Hercegovine ili državljani država sa područja bivše Jugoslavije,
  - b) redovni učenici koji završavaju srednju školu u školskoj godini u kojoj se konkurs raspisuje,
  - c) učenici koji su završili četvrti razred srednje škole u ranijim školskim godinama,
  - d) učenici koji imaju uspjehe u toku srednjoškolskog obrazovanja (da je bio-la učesnik na općinskom, kantonalnom, federalnom, državnom ili inostranom takmičenju i sl.).

- e) učenici koji su aktivni članovi kluba iz oblasti sporta za koji se raspisuje konkurs.
- (2) Detaljnije uslove konkursa i način izbora kandidata utvrđuje odlukom Senat Univerziteta.
- (3) Student dobitnik prava na stipendiju po osnovu uspjeha u sportu se obavezuje da će pored obaveza utvrđenih Zakonom, Statutom i drugim općim aktima Univerziteta, ispunjavati i sljedeće obaveze:
- a) predstavljati Univerzitet na ekipnim ili pojedinačnim sportskim i drugim oficijelnim ili neoficijelnim takmičenjima u zemlji i inostranstvu;
  - b) na takmičenjima u kojima bude učestvovao individualno ili za matični klub nositi i isticati obilježja Univerziteta o kojima će odlučiti Univerzitet imajući u vidu specifičnosti sporta o kojem je riječ;
  - c) prisustvovati treninzima sportske ekipe Univerziteta i terminima koje odredi trener ekipe;
  - d) učestvovati u svim aktivnostima u radu sportske ekipe ili studentskog kluba kojih je član.

## **5. NAČIN I PRAVILA DODJELJIVANJA STIPENDIJA**

### **Član 10.**

Univerzitet može jednom kandidatu dodijeliti određeni procenat stipendije po jednom ili kombinacijom više osnova iz člana 3 ovog Pravilnika.

### **Član 11.**

Univerzitet dodjeljuje stipendije u sljedećim procentima od ukupnog iznosa cijene školarine za jednu studijsku godinu i to:

1. 100 %
2. 90 %
3. 80 %
4. 70 %
5. 60 %
6. 50 %
7. 40 %
8. 30 %
9. 20 %
10. 10 %.

### **Član 12.**

- (1) Studenti koji su ostvarili pravo na stipendiju imaju obavezu da u slučaju ukazane potrebe obavljaju određene vannastavne, praktične i druge aktivnosti u utvrđenom sedmičnom fondu sati, a sve u cilju njihovog naučnog i stručnog usavršavanja, kao i obavezu da održavaju određeni prosjek ocjena.
- (2) Evidencija o obavljanju aktivnosti iz prethodnog stava vršit će se na posebnim formularima koje će propisati Univerzitet, a nadzor nad provođenjem aktivnosti i obaveza studenta po osnovu ovog Pravilnika će vršiti osoba koju imenuje Univerzitet.

(3) Ocjenu pridržavanja obaveza iz prethodnog stava na početku ljetnog semestra kao i pred početak svake studijske godine vršit će posebna komisija koju će odlukom imenovati Senat Univerziteta.

(4) Obaveze studenata – korisnika stipendija utvrđene su sljedećom skalom:

- **FAKULTET ZA EKONOMIJU I DRUŠTVENE NAUKE;**
- **EDUKACIJSKI FAKULTET;**

<b>Procenat stipendije</b>	<b>Mogućnost prenošenja predmeta na narednu studijsku godinu</b>	<b>Težinski prosjek ocjena (minimalno)</b>	<b>Sedmični fond sati za (vannastavne, praktične i druge aktivnosti)</b>
100 %	1	8.5	10
90 %	2	8.4	9
80 %	2	8.3	8
70 %	2	8.2	7
60 %	2	8.1	6
50 %	2	8.0	5
40 %	/	7.9	4
30 %	/	7.8	3
20 %	/	7.7	2
10 %	/	7.6	1

**FAKULTET ZA INŽINJERING I INFORMACIJSKE STUDIJE;**

<b>Procenat stipendije</b>	<b>Mogućnost prenošenja predmeta na narednu studijsku godinu</b>	<b>Težinski prosjek ocjena (minimalno)</b>	<b>Sedmični fond sati za (vannastavne, praktične i druge aktivnosti)</b>
100 %	1	8.0	10
90 %	2	7.9	9
80 %	2	7.8	8
70 %	2	7.7	7
60 %	2	7.6	6
50 %	2	7.5	5
40 %	/	7.4	4
30 %	/	7.3	3
20 %	/	7.2	2
10 %	/	7.1	1

(5) Student – stipendista koji ne bude imao odgovarajući prosjek ocjena, pravo na stipendiju u iznosu koji mu je prvobitno dodijeljen, može nadomjestiti većim brojem sedmičnog fonda sati od ukupno propisanih za dati prosjek.

(6) Odluku o fondu sati iz prethodnog stava utvrđuje komisija iz stava (3) ovog člana.

(7) Student – stipendist koji se ne bude pridržavao obaveza utvrđenih u skali iz stava (4), na početku ljetnog semestra će biti opomenut da se pridržava obaveza propisanih ovim Pravilnikom, u suprotnom se izlaže riziku da mu stipendija bude umanjena za narednu studijsku godinu.

- (8) Prilikom izračunavanja prosjeka ocjena računa se težinski prosjek ocjena (ECTS), a ne aritmetički.

### **Član 13.**

- (1) Studentu – stipendisti koji na kraju studijske godine ne bude ispunio obaveze utvrđene u skali iz prethodnog člana, umanjuje se stipendija u iznosu od 20% za narednu studijsku godinu.
- (2) Studentu – stipendisti kojem je na početku studijske godine dodijeljena stipendija u iznosu od 50% ili više, a na kraju studijske godine bude imao prosjek ocjena ispod 7.00 iznos stipendije se umanjuje za 40%.

### **Član 14.**

Student koji je ostvario pravo na stipendiju, a polaznik je Pripreme škole engleskog jezika, ukoliko na kraju studijske godine ne položi završni ispit i ne upiše prvu godinu studija na odsjeku za koji je konkurisao, gubi u potpunosti pravo na stipendiju.

### **Član 15.**

- (1) Student protiv kojeg je vođen disciplinski postupak i konačnom odlukom utvrđena disciplinska odgovornost gubi pravo na dodjelu stipendija u narednoj studijskoj godini.

## **6. DODJELJIVANJE STIPENDIJA STUDENTIMA – NEKORISNICIMA STIPENDIJA IZ PRETHODNIH GODINA STUDIJA**

### **Član 16.**

- (1) Komisija iz člana 12, stav (3) ovog Pravilnika pred početak svake studijske godine vrši ocjenu pridržavanja obaveza stipendista i na osnovu istih vrši umanjeno odnosno uvećanje iznosa stipendija. Komisija može odlučivati i o zahtjevima za povećanje iznosa stipendija koji su studenti imali u toku studijske godine, kao i za dodjelu stipendije studentima koji nisu bili korisnici stipendije u prethodnoj studijskoj godini.
- (2) Komisija obavezno vrši uvećanje iznosa stipendije za 20% studentima koji na kraju studijske godine ostvare ukupan prosjek ocjena od 9.5 za sve okončane studijske godine, kao i 30% studentima sa prosjekom ocjene od 10.00.
- (3) Prilikom povećanja stipendije Komisija može odlučiti da se prosjek ocjena kompenzuje odgovarajućim fudnom sati koje student ostvaruje određenim vannastavnim, praktičnim i drugim aktivnostima na Univerzitetu.

## **7. PRELAZNE I ZAVRŠNE ODREDBE**

### **Član 17.**

- (1) Izmjene i dopune ovog Pravilnika vršit će se na isti način kao i njegovo usvajanje.
- (2) Tumačenje odredaba ovog Pravilnika daje organ koji ga je usvojio.

## **Član 18.**

- (1) Ovaj Pravilnik stupa na snagu danom donošenja i primjenjuje se od početka studijske 2015/2016. godine.
- (2) Ovaj Pravilnik se primjenjuje na sve studente stipendiste koji su ostvarili pravo na stipendiju u skladu sa Pravilnikom o stipendiranju studenata na visokoškolskoj ustanovi Internacionalni Burč univerzitet - International Burch University broj: 01- 966-3/14 od 12.09.2014. godine, kao i na studente koji naknadno ostvare pravo na stipendiju u skladu sa ovim Pravilnikom.
- (3) Stupanjem na snagu ovog Pravilnika prestaje da važi Pravilnik o stipendiranju studenata na visokoškolskoj ustanovi Internacionalni Burč univerzitet-International Burch University broj: 01- 966-3/14 od 12.09.2014. godine.

**Predsjednik Upravnog odbora**  
Mehmet Mutlu Karaosman

Broj: 01- 683-2/15  
Sarajevo, 24.08.2015. godine